



kaLkomp.

17160

I

Mag. St. Dr


D

*Steszkowski Jęb. Oratio panegyrica
Jlmo D. D. Janusis Dan' in Ostrojek
1612.*

PANEG. et VITAE

Polon.

4^e
N. 662.



ORATIO PANEGYRICA,

Illustrissimo Domino,
D. IANVSSIO DVCI
IN OSTROG, COMITI IN TAR-
now, Castellano Cracouiẽ: Wło-
dimiriẽ: Cercassiẽ: Białocerkieuieĩ: Canouiẽ:
Bohusław: Pereasław: Capitaneo, &c. &c.
dicta, dicataq;

A
SEBASTIANO SŁSZKOWSKI, *Artium lib:
Magistro, & Phil: Doctore.*


VII. Cal: Octobris. Anno D. M. DC. XII.



309.

CRACOVIAE, Typis Simonis Kempinij.

IN ARMA
Illustrissimorum Ducum
OSTROGIORVM.



17160 I

QVid Bellator eques, monstrū prostrere tentans?
Quid surgensq; , notat, crux, & apertus apex?
Stella notat claros clarā pietate Dynastas,
Queis splendet sanctæ Relligionis honos.
Luna quid? aut rutilo distincta sagitta Pyropo?
Rectis in cœlum gloria pandit iter.



Illustrissimo Domino,

D. IANVSSIO DVCI IN
Ostrog, Castellano Cracouien:

Capitano Canouien. &c. &c. Domino, &
Patrono suo Colendissimo.

S. P. D.

Celebris ac peruetus apud omnes passim gētes mos erat,
Illustris: Princeps, Domine, Patrone Musarum inclyte,
non modò diuis per modum gratitudinis sacrificare, sed viris
etiam principibus, & de Repub: optimè meritis, tam publicè
quàm priuatim accessionem honoris gratulari: imò & donaria
offerre, quæ simulachra essent virtutis, & gloriæ monimēta ad
omnem posteritatem deriuantia: quorum contemplatione illi
quoq; per insignem emulationē ad easdem heroicas, & excelsas
virtutes accenderentur, & ad immortalis gloriæ splendorem
incitarentur. Hinc antiqui illi viuas effigies exprimere, illu-
stri causa perpetuitatem merentium: quidam autem statuas in
certamine Olympico, vel campo Martio victoribus solebant
erigere. Et quidem quæ diis consecrata erant, ἑιδωλα: quæ He-
roibus, ἑόανα: quæ Regibus, Ἀνδριάντα: quæ sapientibus Εἰκελα:
quæ deniq; benè meritis ciuibz Κεῖλεα vocabantur, auctore
Pausania, & Plutarcho. Quo etiam pacto Alexandrum Seue-
rum Imperatorem imaginibus clarorum virorum lararium su-
um ornasse testis est Lampridius. Et Marcū quoq; Varronem
non solum nominibus, sed etiam imaginibus septingentorum
illustrium virorum libris suis insertis mirificè delectatū fuisse

scribit Titus Pomponius Atticus. Quid ego de te dicā, Illustrissime Princeps? Profectò splendor generis Tui, & virtutum tuarum claritas hoc requirere videtur, ut sicut ille Alexander Magnus, non nisi ab Apelle pingi, à Lysippo fingi deberes. Multæ enim sunt, & magnæ actiones Tuæ tum publicæ tum priuæ, quæ in ore sunt omnium: cū & in Chronicis passim dexteritas maiorum tuorum legatur, & magnitudo meritorum commemoretur: neque enim humili, aut obscuro loco celebratissima virtutum Tuarum munera desident, sed quasi è specula quadam excelsa atque illustri relucet, & radiis suis Reip. salutem protendunt: ob quæ non modò à Regibus, & summis quibusque viris, verum etiam ab exteris nationibus, & populis, ac inprimis ab eruditis omnibus mirifice amaris, & obseruaris. Tuum illi augustissimum, & semper illustris: nomen suspiciunt, ac venerantur. Et verò cum hoc tempore spectatissimam virginem, adeò omnibus gratiis ornatam, ut non ab hominibus genita, sed à diis ipsis facta esse videatur, matrimonio tibi coniungere voluistis: cum qua deinceps per omne reliquum vitæ Tuæ spacium placidè, iucundèque viuas, cuius sanctissimis moribus Te, & tuam constantissimam fidem committas, ex eaque liberos expectes, qui nominis, famæ, dignitatis, gloriæque paternæ sint heredes, & æmulatores: Quod felix, faustum, fortunatumque sit: Tuam Sapientiam etiam atque etiam admiror, eius autem felicitati admodum gratulor, quæ tibi se coniungit viro, qui virtute, & sapientiâ, non modò eos, qui hoc tempore sunt, sed etiam antiquitatis memoriam omnem superasti. Nam cū scias filios esse familiæ columnen, & immortalitatis documentum, hoc intendis, ut cum eis

paren-

parentes renasci videantur, & extet honorificentissima nominis tui memoria apud omnes, ac rectè factorum claritas in omne ævum duratura prædicetur. Quocirca cum omnes passim tibi applaudant, omnes in tui actus istius celebritate summa quæq; in te deferant animorum suorum argumenta, & fidelitatis ornamenta, egonè adeò deses, & ignavus ero, qui etiã tanquam anser inter olores nõ aliquid gestiente animo perstre-
pam? præsertim cum incredibile Tuã humanitatem in te perspexerim in P O T O K ante aliquot annos erga me declaratam, dum Czeszochouia proficiens ad Magnificũ ac Generosum Dominum Martinum Silnicki, Dominum, & benefactorem meum benignè diuertisses, mihi quæ te salutãti singularem animi tui beneuolentiã declarãsses. Itaq; quò minus de tua voluntate erga bonas literas dubito, eò magis studio quodam incredibili beneuolentiã tuam erga me excitandi ardeo, & in numero tuorum clientum reponi vehementer exardeo. Accipe igitur, vir Maxime, ac Illustrissime, & accipe lubens volensquæ munusculum hoc qualequale literarium, animi mei syncerum pignus, & virtutis tuæ nunquã intermoritura argumentum. Quod si (ut spero) non omnino tibi displicuerit, sedulam dabo operam, ut maiorum vigiliarum opere aliquo mea erga te, & tuos posteros, fides, atq; obseruantia simul cum laude virtutis tuæ & prudentiæ accuratiùs exactiùsq; expressa, cunctis in posterum gentibus inclarescat. Vale Princeps Illustrissime. Dat: Crac. 7. Calend. Octob: Anno Domini 1612.

Illustrissimæ celsitudinis Tuæ

Addictissimus cliens

M. Sebastianus Sleszkowski.

C
M
rum
duce
felic
ac et
cure
atèq
tim,
ens r
tuam
Bon

Publ
aut p
tiâ m
& q
con
ritu,
anin
tiad
pere
toru
& an
plar
cogi
man

M. Sebastianus Sclerkowicz
Admiratus eius

ORATIO PANEGYRICA.

MAgnum & illustre munus est, Illustrissime Princeps, de genere humano mereri: id est, multorum aliô flexas mentes ad metam illam Publici Boni ducere, ac dirigere. Reuera enim in hoc vno nostra felicitas sita, vt Publica salus salua, & integra constet; ac etiam optimus quisq; nascitur, non vt sese molliter curet, sed vt per ipsum in communi societate benè beatèq; , id est, sanctè, innoxie, ex vsu publico, & priuatim, & publicè viuatur. Ego ita sentio, omnisq; sapiens mecum; & simul facio hac opellâ meâ in laudem tuam factâ, & testimonium immortalitatis, ob tua in Bonum Publicum merita atq; virtutes,

quas nec ventura silebunt

Lustra, nec ignota rapiet sub nube vetustas.

Publicè quippe interest aliquod virtutibus præmiū, aut præconiū saltē esse: & ne ijs sit tantum ex conscientia merces. At enim quā sic mereor? mereor: quia iuuo, & quidem veteres mihi præeūt, qui in publicis etiam conuiujs Principū virorum merita, & virtutes solēni ritu, meloq; suauiter occinentes, accendebant iuuetutis animos ad probitatem, atq; egregia gesta: præit *Mil-*tiades, qui suis trophæis non patiebatur somnum capere Themistoclem. Hoc ipsum hîc ego volo, & multorum animos succendo ad virtutem, præclara facta, & amorem patriæ, dum breuiter te talium viuū exemplar ipsis præcino. Et rectè, duci natura mauult, quàm cogi: ad Principem autem virum reliqui ciues se formant, &

Olim in publicis conuiujs Principū virtutes legantur.

Componitur

*Componitur orbis
Eius ad exemplum.*

Nec causa occulta: quoniam ad alta illa versa plerūq;
mentes, & oculi: nec tam imperio nobis opus, quàm
exemplo. Sponte sequimur, si præit virtute, qui digni-
tate. Neq; hîc inanis conatus meus, splēdida, fateor,
per se tua virtus, facta illustria; verū tu, Princeps Il-
lustrissime, nō huic duntaxat, sed etiam illi vitę serui,
quàm ipsa æternitas intuebitur: serui iudicibus, qui
multis post sæculis (vt hoc cum Cicerone dicam) de
te iudicabunt; & quidem haud scio an incorruptiūs
quàm nos: nam & sine amore, & sine cupiditate: &
rursus, sine odio, & sine inuidia iudicabunt, & imita-
buntur; serui inquam, posteritati, & benigniter pa-
tere de te, tuisq; virtutibus aliquid proferre in lucem.
Mihi ecce

Libenter hoc, & omne militabitur

Bellum in tua spem gratia.

*Absq; af-
firatione.
Absquē
fuo.*

Et quidem ἀνευ τῆς κολακείας; quia me procul ab ea fin-
xit natura; ἀνευ τῆς φανκισμῆς; quia ab hoc vitio semper
ego alienus. Tu verò Princeps Illustrissime,

Dum tibi res, non te rebus subiungere conor,
animum meum, quod præcipuē volo, vide, cognosce,
promoue, auroq; lenitatis & beneuolentię tuę ei spi-
ra, eum dirige, & accipe; accipe & tu ô mea Polonia,
meis verbis, quē iā olim accepisti factis Principem au-
reū ab æquo aureo, vt quē virtus, virtus inprimis, genus,
merita in Rempub: splendidissima omnia decorârūt.

Magna

Magna est vis sanguinis, & originis, Illustrissime Prin-
ceps: quia è sentibus non gignitur rosa, ab hac ordior
in re tua, & verè affirmo, non multas in vniuerso ter-
rarum orbe gentes reperiri, quæ cum ea vel antiquita-
te, vel rerum gestarum gloria queant comparari. Vide-
licet alta ab origine per Duces ab Ostrog (qui olim
è Ducibus Russiæ nobilissimis orti familijs locum,
& lucem inter Sarmatiæ proceres semper tenuerunt)
deriuatus in te sanguis natales tuos instruit. Russus fra-
ter Lechi Polonorum primi Ducis (Historia, quæ est Matthias
à Miech:
rerū pol:
Scriptor
lib: 1. cap
2. testis temporum, & lux veritatis, docet) vir clarus, &
fortis, primus tibi Dux, & parens, venit in eam regio-
nem, quæ nunc ab illo Russia dicta, eam suæ ditioni
subiecit: diu salubriter rexit: tandem suis posteris Cio,
Sateco, Coreuo, reliquit, qui per lōgos nepotes Ascol-
to, ac Dyro imperium felix, & propagatum tradide-
runt. Quid hīc Ruricum, Seneum, Truborē, loquar?
quid Olgum & Igorum, qui olim terrori toti Græciæ,
memorem? Quid dicam Suatoslaum, qui Bulgariam
expugnauit: octoginta Castra cepit: tributum pēde-
re iussit: ex ipsa Græcia ampla spolia retulit?

Maior rerum mihi nascitur ordo,

Maius opus moueo,

nempe ad Volodimirum, virum rarū, & ab aureo æuo,
propero; ab aureo dico, quia ipso rerū potiente, au-
rea Russis ætas illuxit: id est, Russia illustrata diuini lu-
minis splendore. Hic namq; Annā sorore Basilij & Annō 990.
Constantini Imperatorum orientis in coniugem acce-

B

ptā ta-

ptâ, tactus diuini Spiritus afflatu, simul doctrinam, ac
fidem veram in Christum, æternam æterni Patris so-
bolem, verum Deum, verum & hominem accepit, &
magnâ celebritate cum duodecim filijs, more gentili-
cio ex pluribus olim genitis vxoribus publicè ab Anti-
stite Corſcimē: aquâ saluari perſusus, totam Ruſſiam
ad eandem religionem exemplo ſuo exciuit: monitis,
ac præmijs allexit: minis, ſupplicijsq; traxit pertinaces.
Mira ipſius pietas, & feruens in augenda religione
Chriſti Dei, qui æternum

verbum, quo omnipotens condidit omnia

mirificè Principem dignum in ſui amorem accēderat.
Ecce ſuis manibus templa, & idola falſorum Deorum
demolitur: ecce ſimulacrum fulminis à ſe, & à ſua gēte
maximè cultum, equis illigatum iubet trahi, & in Bo-
ryſthenem iniici. Vidit mehercle, & ſenſit religionem
veram eſſe fulcrum, atq; vinculum Reip: adeò, vt hæc
cum illa florente floreat, cadente cadat. Porrò quoni-
am qualiſcunq; ea hauſta peruicaciter inſidet, & ſua
cuique optima videtur: quia non ratione, ſed affectu à
ſingulis diiudicatur. Senſit vir Deo dicatus, populum
ægrè ab inueterata ſuperſtitione auelli: & ideò ipſe
omnibus inſpectantibus manu ſua, arboribus, quas
ante coluit, ſecures impingēs, & ab radicibus deturbās:
Non eſt (clamabat) non eſt Deus, quod exſcindi, &
deijci poteſt: agnoſcite miſeri errorem, oculosq; mē-
tis iam tandem conuertite ad Deum, verum condito-
rem omnium, in omnia potentem. O virum rari, &
ſingul

singularis exempli, vereq; natum ad diuina! Nullum
 in ea re laborem fugit, nullam extimescit difficultatē;
 etiam à Constantinopoliē: Patriarcha (nullum cre-
 do id tempus discidium habuit Ecclesia Orientalis ab
 ea, quæ caterarum omnium est mater, ac magistra, à
 nostra dico, quæ est Catholica Romana) viros doctis-
 simos, religionis veræ professores, qui primi nouellas
 illas, ac teneras, nuper in horto Christi confitas, plan-
 tas copiosis salubrium præceptorum imbribus rigârūt,
 aduocauit: Metropolitē Kiouia, Archiepiscopum
 Nouogrodi, in alijs vrbibus Episcopos, constituit.
 Hic ego vos Illustres animæ Iaroslæ, Isaslæ, Basili, Ro-
 scislæ, Suatopelce, Georgi, Iaropelce, Volodore, Mscia-
 slæ, Romane, Leo à quo Leopolis, Theodorote, Io-
 annes, Constantine, vel inuitus prætereo. In exigua
 tabella, id est, in angusto vnius orationis curriculo
 nequeo vestra facta pingere, seu exprimere: Danielis
 saltem caput ostēdo, totum reliquum abscondo cor-
 pus. Hic post Colomanum Regem, è numero viuorū
 expunctum, Vngaris, vi, & magnâ potentiâ eiectis, im-
 perio totius Rusiæ potitus, ob merita sua in religionē,
 & singulares virtutes, insigne, sceptrumquē regium ab
 Opissone, nuncio à sede Apostolica in Poloniā misso,
 obtinuit. Rex fuit, honorē regium habuit, æternūquē
 in Rusiā suis reliquit, ni succedens ætas, minùs cupi-
 da honoris, aut ambigens neglexisset. Sed

tantūmne aliquis sibi posse videtur

Fata quoq; vt superet?

Certa stant omnia lege,

Et ab

*Abbate
Mefanē*

*E Consilio
Lugdunē-
si sub In-
nocētio 4
1246.*

Neminē
fata pra
seruunt

Et ab omni æternitate fataliter (pio dico sensu, quia ex Deo pergunt cuncta ordine suo) omnia destinata: nec consilio prudenti, nec remedio sagaci, diuinæ providentiæ fatalis dispositio subverti, aut everti potest. Stat æterni Dei lex æterna: ego per innumeros alios atavos, & prauos tuos venio ad Ioannis filium, tuum, Priuceps Illustrissime, auum.

Hic vir hic est Diuū genus

Constātinus noster, verè magnus inter magnos, quem magnitudo animi, & prudentia, cuius vtriusquē egregium specimen dedit in publicis, ijsquē arduis, negocijs; imò ipsa

Ardens euexit ad æthera virtus.

Accipe de illo testimoniū, seu elogium Pisonis, viri magni, Nuncij sedis Apostolicæ, ad Sigismundum primum Regem nostrum: *Dux Constantinus Ostrogus in re bellica facile princeps; domi Numa religiosior, foris Romulo non inferior, in quo nihil est, (omnes uno ore dicunt,) quod probari nequeat: ter & tricies feliciter victor. Quid mirum? verissimum Græcorum verbum:*

A quibus
sæpius ob
his docet.

Εξ ὧν ἐπαθες εὐχέλεις

& Misera prudentiæ bona mater. Quippe Principes optimi, & prudentissimi, qui aliquādo in aduersa forte. Talis noster: quia adhuc iuuenis bello captus, per annos septem apud Ioannem Ducē Moscouiæ in vinculis egit; egit, & sapere didicit. Nō aditum, non exitum facile reperio, si semel me penetro in profundum hoc rerum ab eo gestarum. Pugnas, victorias, triūphos,

monu.

monumenta, munera ipsius obstupefcimus Visné paululum in his peregriner? Facio. oculos attole, & vide, quàm eum iuuat acer cruentum,

Vultus in hostem.

Vide quàm acerrimus ille propugnator Patriæ, (extrema enim hîc tantùm tango) vide inquam. Ecce testis Russia, quæ sæpenumero magnis oppressa hostium copijs, eorum ipsorum sanguine redundauit. Scytharum tres exercitus ingentes apud Sluscum ad interuersionem cecidit. Etiamnum cupis à Visnouecia dat fidem, quam magnis cinctam periculis, & celeritate consilij, & terrore belli explicauit, dum viginti quatuor millia Scytharum parua manu minore suorû clade (quis credat vix centum suis amissis) penitus deleuit. Nec hoc quidem satis est? Canouia docet, quam è faucibus Scytharû eripuit, dum viginti sex millia hostiû profligauit. Sic ea gens famelica, vel è flammâ cibum solita petere, diuinâ Ducis Ostrogij virtute cōpressa. O crudi Scythæ assueti viuere rapto, hisce cladibus

Discite iustitiam moniti.

το θεον & σκολην & (& ζει βασιλει; ; vigilat tñ Diuin⁹ ille ocul⁹; &

Nunquam antecedentem scelestum

Deferuit pede pena claudo.

Ecce sistit effrenem illum vestrum impetum, & vos peccantes, paratosquē peccare benigniter tollit. Tollit vnâ vobiscum superbum, ac ferocem Moscum per nostrum Ducem Constantinum. Quid agis, ô Basili, Dux Moscouiæ.

Distri.

templum
post acce-
ptâ à Re-
ge in ma-
trimoniū
Helenâ fi-
liâ Ducis
Moscouiæ

Numē dī-
uinū lēte
& ordine
progre-
sur

*Disstrictus ensis cui super impiâ
Cervice pender?*

Quid nobis, quid imperio nostro insultas? quid Poloniam necem, Lituanis compedes minaris? quid gentem, & militem nostrum flagris iam ante victoriam in Moscuiam abigis? O impudentiam, ô insaniam, dum tam audacter.

Tales & tantos rumores ante salutem
posueris! dum tam impudenter, & inconspicte cum Plautino milite totum agmē nostrū vno spiritu difflaueris! An te cepit aliquando cælestis illa curia, & tu illius decreta? Perge Tyranne,

Dominare tumidus, spiritus altos gere,
& sitiens sanguinis, prædæquæ, minas, & cædem spira, rape (prout polliceris) cæde, vre, vasta. aberrabis mox à mente tua demente. aliud ecce supremæ mentis in supremo illo consistorio æternum ab æterno decretū, occulto fine te inscium inuitumquæ trahit ad tuum finem. Agè dum flores paulisper, & viuis in hac scæna, animo iam ante tecum præcipe, elationem istam tuâ, vel (vt verius dicam) superbiam, manere lachrymas, & deiectionem. Differis enim ad tempus, non dimitteris: nemo quippe crimen in pectore gestat, qui non idē Nemesein in tergo. Hodie magnus es? cras alius, aut nullus: Videlicet superbiæ assidua comes deiectio, & pœna. Dicam in hac Tragœdia cum Tragico Poëta:

Sequitur superbos ultor à tergo Deus,
qui nihil altum præter se vult; eiquæ proprium

τὰ ἄ ὑπὸ τὰ πέναν, & δὲ τὰ πέναν ὑπὸν.

*Erecla
deicere,
deiecla
erigere*

Clarum in magno Persarum Rege Cyro, qui à Tho-
myri capite truncatus, & caput in virem humani san-
guinis plenum, iniectum: Clarum in Alexandro Ma-
cedonum Rege, qui dum etiam homo fastidit esse, ve-
neno extinctus, septem diebus insepultus iacuit: Cla-
rum in Iulio Cæsare, inter pompæ fercula trium ver-
borum præferente titulum, veni, vidi, vici, qui in Capi-
tolio à Senatu suo tribus & viginti vulneribus confos-
sus: Clarum in Baiasite, qui à Tamerlano captus, ca-
uea ferrea inclusus, per omnem Asiam rerum huma-
narum spectaculum ductus, desperatâ liberatione, iteratis
validis ictibus, caput caueæ incussit, & indignantem a-
nimam emisit: Clarum in Tomambeio Ægypti Afri-
cæq; Sultano, qui arbiter paulò ante vitæ necisq; genti-
um, in vrbe sua principe, mulo vicatim per ludibrium
circumductus, infami laqueo strangulatus. Quid hæc
memoro? clarum in te, ô Basili, cuius omnem vim vis illa
suprema, à qua est omnis vis, subuertit, & euertit. Fuge,
heu fuge, teq; neci, teq; eripe vinclis.

Ecce Cōstātinus Ostrogicus, qui in hoc euētū mētē suā
subiecit Diuinę menti, & omnia sua æterno eius decre-
to, ad Orsam Borysthenem cum suo milite traiecit: o-
ctoginta millia validissimi tui exercitus disiecit, & dis-
sipauit: quadraginta millia cecidit: quatuor amplius
millia in seruitutem cum supremo tui exercitus Præfe-
cto Ioanne Andrea Celadino, cum omni fermē Senatu
tuo, in seruitutem abduxit: Castra, diuitiis referta, diri-

puir

puit, vastauit, incendit. Vbi nunc illa superba mens
tua, superbe Basili? Non sustines, video, vires Ducis no-
stri, deseris Smolenscum, Moscouiam vsquē fugis; &
neq; hīc satis tutus, aut tectus, diffidis rebus tuis, &
trepidas cum tuis, & toto illo peramplo Ducatu. Si-
ste hīc gradum, fortuna belli tibi pepercit. Pacem pe-
te à Rege, pete à Duce; faciliter habes, non in te pro-
cellę desēuīt grauiores. Mitis illa Diua Clemētia, quę
lenit, quę tēperat, quę seruātū it, eos ipsos qui se perdūt:
& anni tempus horridum inuictum Ducis mei sistit
animum. Magnum virum, Principem vides virum, a-
uum tuum, Princeps Illustrissime, & maiorem videres:
vberior enim, & copiosior offertur mihi materia de il-
lo dicendi; sed mihi lingua, ingeniumq; titubat, & ani-
mus ad alterum Constantinū, huius filium, tuum Pa-
rentem, festinat. Quid hīc faciam? quò me vertam?
Nimirum non ipsius admirabili, inusitateq; virtuti
par à me orationis genus potest adferri. Quid à me?
omnium eloquentissimorum studium dicendi, illius
dignitate inferius est. Magnus hic vir fuit, magni Rusi

Magnā de stirpe nepotum,

magnum eius in religionem studium, magna in bonū
Publicum merita, & quę nulla vnquā obscurabit obli-
uio. Illustris siquidem, & peruagata eius fama multo-
rum magnorūq; meritorum, & in ciues, & in Patriā
firmiter radices fixit. Nostrum vixit euum, nouimus
quantus ille Princeps, nouimus prudentiā, virtutes,
facta; laudes exprimere nō possumus, & filemus. Neq;

etiam

etiam Sol eget alienæ lucis: non item noster nostri præconij. Breuiter dico: Toga & Sagum Virum principem habuit; & diuino consilio, in illo confinio ferocissimarum, & rapacissimarum gentium, nomen Christianum, & Polonicum acerrimè impugnantium, constitutus fuit, tanquam in communi quadam arce, & propugnaculo ad sustinendam, & propulsandam barbarorum immanitatem, atq; agendas pro nobis excubias. Ita est profectò,

*Hostis non illi quisquam se impunè tulisset
obuius armato;*

& ideo quod vixit (atq; utinā diutiùs vixisset: sed enim ex hac vita ad beatiorē abiit) virtute illius tegebamur: laboribus quiescebamus: periculis defendebamur. Ex hac aurea, & nobili stirpe tu aureus & nobilis ramus maiorum luce exsplenduidisti; sed magis tuâ, quippe qui talem fortunam facere potuisses, nisi accepisses: imò maiorem, maiori luce virtutis, & meritorum. Etenim te ad verum decus nitentem, ingenij cultus, illaq; studia exceperunt, à quibus facile itur in omnes dignitates. Scilicet ab ipso ineuntis æui flore accessit tibi institutio diligens, rectaq; radix & fulcrum totius reliquæ vitæ, à quâ per templum Virtutis ad templum Honoris,

Quò te celestis sapientia duxerit, iisti.

Ecce domi Græcis, pariterq; Latinis literis, & pulchris moribus diligenter excultus iuuenis Deo Duce in Italiam, matrem scientiarum, elegantiarumq; missus, ita

ibi egisti, ut voce ac digito signareris probitatis, modestiæ, grauitatis exemplar. Musarum pariter, & gratiarum decus. Quoniam moribus in illa ætate grauibus, humanitatis tamen, ac facilitatis condimento temperatis, eos quibus cum vnà eras, & incredibili quadã iucunditate tibi conciliabas, & exemplo tuo ab omni improbitate reuocabas; literis verò atq; ingenio fenum etiam doctissimorum doctrinam æquabas, ingenia superabas. Reuera quos magnis & nobilibus populis rectores destinauit supremum illud Numen, in eis plerumquẽ virtus non expectat annos: sapientiæq; femina eorum animi & comprehendunt facilius, & tempestiuus adolescunt. Breui hinc imbibisti priscos illos Doctores ad vitam formandam, rationem gubernandæ Reipub: danda capiendaque de rebus magnis consilia: hinc scientiã de temporum ratione, terrarum situ, populorum institutis, ingeniis, moribus gentium inter se naturali sensu, aut dissensu hausisti: hinc Historiam percepisti sacram & profanam, nouam & veterẽ, domesticam & externam. Et sanè vtiliter: dici enim non potest, quanto tibi nunc & ornamento & auxilio doctrina sit, cum te & generis tui nobilitas, & tua virtus iam ad Reipub: gubernaculum admouerit. Feliciter in Poloniam redijsti, & statim ostendisti, nunquam desidem atq; ignauam esse virtutem: nullas ipsi esse à præclaris actionibus ferias: fortes & constâtes animos non ad quietem inuitari, sed ad labores & munera in Reipub: suscipienda suscitari. Annos natus non amplius

phus octodecim; Dubnū obsidio & periculo grandi à
Scythis cinctum, cuius seruandi vix spes iam erat, au-
spiciis paternis, belli celeritate explicasti. O felix prin-
cipium rerum à principe iuuentutis. Magna iam tum
omniū de te spes, & expectatio; neq; fefelisti. Promo-
uit Deus benignus altiū tuā virtutē, quia tibi ab ipso
pincipiū; ab ipso, inquā, & vero de ipso sensu, vero in
eū cultu. Discidiū fuit, & est fidei Græcæ, quā tu à parē-
tibus, & maioribus tuis acceperas traditam, à nostra
Catholica Romana Ecclesia, quæ omnium diuorum
est communis mater; & in cuius gremio (vt hac aurea
gnome ab ore aureo prolata vtar) mori felicius est
quā ab initio nasci: cum non nasci satius sit, quā in
hac non mori. *Hic enim (verba Lactantij vsurpo) est*
fons veritatis, hoc domicilium fidei, hoc templum Dei, quod
si quis non intrauerit, vel à quo si quis exiuerit, à spe vitæ,
& salutis æternæ alienus est. Tu intrauisti, exire noluisti;
sed semel eam complexus fortiter, & constanter serua-
sti, & quidem multa dura & difficilia perpessus à pa-
rente tuo, ad religionem Græci ritus reuocante. Pro-
fectò triplici hic Ægide muniueras pectus: vero iudi-
cio, ac sensu de rebus humanis Diuinisq; Recto &
immoto animi robore, non elati externis, aut fortuitis
depressi: Voluntaria perpessione rerum, quæcunque
homini aliunde accidunt, aut incidunt; & ideò stetisti,
vt in medio mari edita & altissimis defixa radicibus ru-
pes, stetisti, inquā, firmiter, & gradum firmasti cōtra
hunc insurgentem assultum. Vidistin' in scutis quo-

Eteſtam
to Ioānis
Zamoſcij
ſup̄m̄ Præ
ſecti exer
citiū, &
Cancellar
regni Pol.

rundam hodie Regum sublime illud: NEC SPE,
NEC MET V. in te conuenit, qui altus contra om-
nem casum, & erectus, magnum illud tibi vindicasti:
NON MOVERI. Et Reuera fuit. inconcussus in-
ter nimbos, & fulmina, & tempestates, atque

mediis tranquillus in undis

in hocce tali casu visus es. Quid mirum? vt heliotro-
pium ingenio suo semper ad solem: sic ratio tua ad
Deum, originem suam, obuersa, firma in bono fuit,
& immota, vnum idemque sentiens, vnum idemque
appetēs. Maeste animi perge in hoc tali passu fidenter, &

ne cede malis, sed contra audentior ito

Quam tua te fortuna finit.

Non enim deserit vnquam Numen benignum sibi fi-
dentes: & tibi in vero de se sensu, in vero in se cultu
contra omnes insultus præstò fuit, &

per obstantes cateruas

Explicuit tua victor arma,

dum hæc vincla sollicitudinum, quibus in hoc Caucaſo
ligabaris, dempsit, téq; nouum Prometheum, nouus
hic & verus Hercules soluit, & hanc pietatem largiter
munerauit, quâ per ipsa pericula suum nomen, & Nu-
men pio sensu, pio cultu, idque prisco more, iuisti as-
sertum, defensum, propagatum. An non te vna? Pro-
fectò hanc pietatem in pectus demissam virtutū agmē
consecutum est, atq; etiam fælicitas externa. Et hoc ab
omni æuo obseruatum; Deum qui se colūt attollere;
& piis, religiosisque Principibus prospera plurimùm

cuenire

euenire. Vide vel in vna familia Austriaca. Rudolphus primus, huius gentis origo, merito pietatis fluctuans per dissidia imperium stabiliit, & gentem fatalem scriptis regnisq; propagauit. Vide in Teipso Dux Illustrissime, in quem Deus ob hanc ipsam rem effusus in suis dotibus internis, atq; externa felicitate, quibus sine titulo magnus es, & à teipso clarus. Sed hoc remota inuidia posterì magis dicent vix credituri, decrefcentibus demum naturæ annis, tantum virtutis decus affulxisse; & quem vixisse moribus antiquis intelligent, antiquis quoq; temporibus natum putabunt. At uerò perennis naturæ fœcunditas ac æterna est. Omni æuo gignit, viros bonos, viros Principes. Nostro tu natus genio & ingenio, prudentia & virtute, in qua tibi Diua pietas præluxit, nomen prius, idq; æternum, inuenisti, quàm præfagijsti. Et facillè fuit. namquæ tibi memoria in id supra quod ascendi non potest, euecta: mens in tantû bona, quanta ex ipso virtutis vtero nasci potest: iudicium, quod ne qui intellexit quidem, sat & super miratur: ingenium, quantum vel mortalitas recipit, vel industria percipit: prudentia succedente ætate incredibilis verèq; Diuina, & quæ utrû ciuilibus magis operibus an bello suffecerit, in ambiguo est. Iã grauitas in vultu ubiq; , & auctoritas in verbis & factis tuis singularis, at simul etiã comitas & humanitas: illæ venerabiles, istæ amabiles, adeò, vt nemo sit, quæ Sarmatia nostra magis reuerita sit, minus verita, & in quem duplici isto feratur affectu venerationis pariter, & amoris. Quid hîc

virtutes tuas numerem? Rectus, & sine fūco, virtutis a-
mās tibi animus, & animi erecta magnitudo par vtriq;
Fortunę. In altam Fortunam multi nimbi, procellę,
fulmina incidunt, aut incurrunt. nil miserius Principe
qui ad singula moueatur, aut se inflectat; nil te felici-
us: quia sicut adamas, nobilissima inter gemmas, in-
fractam vim habes ad omnia incerta rerum humanarū.

Namq;

Rebus angustis animosus, atq;

Fortis appares: sapienter idem

Contrahis vento nimium secundo

Turgida vela.

Tractas humana, eaq; nosti: sed iis te etiam eximis, &
tecum dicis: O quam contempta res est homo, nisi su-
per humana se erexerit. Erectus tibi, dixi, animus; sed
etiam ius, & æquum in se, inque aliis firmiter seruans,
& clemens atq; benignus. Namque à barbaro istud est
barbarum: **IN MAGNA FORTVNA ID Æ-**
QVIVS, QVOD VALIDIVS: & ideo sola
credis licere tibi laudanda, omnibusque tribuis, quod
suum est, meritis præmium, noxiis pœnam; sed etiam
simul lenis, & temperas, etiam noxios eripis, lapsos
erigis. Et sanè hæc mitis Diua decet magnos animos:
& quod notes, non nisi in eos cadit. Siquidem hæc

Est summa virtus, petitur hac calum viâ.

Amplius: continens & temperans: non enim quicquā
indecorè effæminateuè dicis, aut facis, sed omnia de-
center, viriliter, in ordine & modo. Taceo alias re i-
quas virtutes, quę in te Sole clariores. Quid illa admi-
rabilis

*Cur. Tac.
xv. Annal.*

rabilis moderatio in alta Fortuna? Mehercle inter tot
obsequia Fortunæ difficilè est non alta sapere, & non
abripi licentiæ ventis: quia inter talia non satis cauta
mortalitas. Non difficilè tibi: quia nosti hominem te
esse: magnas arbores diu crescere, vnâ horâ extirpari:
cuncta mortaliū incerta; & ideò quantò plus adeptus
es, tantò te magis in lubrico censes, ideò sensum de te,
tuisque temperas, imò & actionem. Hinc sermo tibi
grauis, & paucus; sed idem prudens. odisti quorum
omnis virtus in lingua sita. Cultus decēs, & sobrius.
turpe quippe ducis viro, cūm animum habeat, capta-
re laudes ex corpore. Et certè quid opus? *Ἐμοι γέ μιν οὐκ ἐν θεῶν τιμῇ τῆς κατὰ χάριν συμπάρεσθαι Ἄνθρωποι ἀρχοῦσι.* *Mibi vi-*
deur à
Cum Xenophonte dico. Age verò in diuitiis maius *Deo Ve-*
quiddam est, quàm imperiti suspicentur, rectum cur- *nus quē-*
sum in vndoso isto mari tenere, tenes, *piā comi-*
tari virū
Principē

te liquidus Fortunæ riuus inaurat. Sed

Dij tibi diuitias dederunt, artemque fruendi:

quia prudenter mentem ab his, ad altiora natam, auo-
cas, & contemnis; sed contemnis cum modo, qui
nisi adest, insipiens omnis sapientia est. Et quidem
homini ego nil humanarum rerum magnum esse
fateor, si animum, & cœlestem illam Particulam spe-
ctes: si corpus, & si vitam, cur prorsus negligas ea, quę
ad opes faciunt, aut honores? Abiectè sapit quisquis
ea sic abijcit. Tu te erigis: quia tibi omnia ad Bonum
Publicum, omnia ad pietatem, & salutem directa: ad
quam nisi pertingimus, malè, & infelicitè decurrimus
hoc

hoc quicquid est vitę. Hinc te Deum quendam terre-
stem ad benefaciendū humano generi è cælo missū
ducimus: quia fontem benignitatis tuę in omnes re-
serasti; & verè fontem: ita largiter, & perenniter in o-
mnes fluit. Nec ista in gratiam, aut gloriam. Deo soli,
& vsibus humanis imputas: & fructum beneficii vnum
censes, F E C I S S E. O rarum mirūmq; virum: O di-
gnum hac, & maiore Fortunâ, qui tam bene eam ce-
pit: Sic, Princeps Illustrissime, in omni externa specie
facis, & ego videre te videor

Tranquillum, vultus submittentemq; modesti

Fortunę vexilla tuę.

*Curt. lib.
vij*

Modestiam enim ab Scythia præcepto non Scythico
complexus, Fortunam tuam pressis manibus tenes, &
felicitati trenos imponis; atq; ita, licèt lubricam, faci-
lius regis. Denique mores tui quales? Poëtę verbis de-
scribo:

Fœcunda quies, virtusq; serena,

Fronte grauis, seuiusq; decor, luxurq; carentes

Delitię.

Voce magna clamo: omnia habes sine iactantiâ, pro-
catiâ, vanitate. Et non miror. Fulcimentum omni-
bus hisce doctrina, quam cum ipso hausisti lacte: per
hanc enim animus noster discit omnes motus magis
habere in potestate. Hinc Plutarchus Marcio Corio-
lano, & Caio Mario, summis alioqui viris, hanc vnā
defuisse ostendit: qui si Musis, Gratijsquē litassent,
non impetu ablati tam fœdum, & turpem rebus suis
exitum

exitum dedissent. Litaſti, ô Princeps, vtriſq; atq; produ-
cis in vſum publicum. Quid enim ille innatus amor in
viros doctos? quid in Academiã noſtrã, antiquam ſedẽ
Muſarum, atq; virtutum? Odiſti nouellos Doctores,
qui noua concinnabula aperiunt, & non candidam
ſimplicitatem, ſed fucum, atq; adeò in ſuum, nõ Publi-
ci Boni vſum. O fœlix olim Polonia, cum tibi recto-
res, & Senatus ex hoc vetuſto Gymnaſio! O fœlix Aca-
demia, mater mea, cum Reges, & omnes Regni ordi-
nes certatim in amorem tui inclinati. Si qua Academi-
arum in orbe terrarum (audacter ſic loquar) floruit;
eam Cracouiẽn. ex animi mei ſententia poſſum pro-
fiteri. Sed hîc mihi ſuſpirium: heu decor ille, & flos
omnis, quomodo exaruit? Agnoſco vt in mari fluxum
hunc Fortune, & refluxum: & Prouidentię occultam
legem, quę attollit, deiicit, iterumquę attollit: & tibi
(præſagus Vates vera ominor) ô Academia mea fiet.
Interea animum erige, & præ nobis exemplo ad ro-
bur, & conſtantiam, quia, vt formoſa corpora etiam in
morbo veſtigia decoris ſui retinent: ſic tu priſtini ſplẽ-
doris. Conſide autem: deliquium aliquot veluti So-
lis eſt, non interitus; exurges. Ita me credere firma
tua in Deum pietas, in Bonum Publicum amor, in
Regẽ tuũ, & Ordines Regni obſequiũ, atq; candor
cogit: ille, & iſti aderunt, & Genius inprimis tuus
potens, & perpetua tutela. Vis fidem? Ianuſſius Oſtro-
gius Princeps inter alios tibi offert, qui dictis, & factis,
pro aris, honore, ſalutẽq; tua cum liuore calumnian-

tium depugnat; & nō in alio, in tuo gremio alumnos suos semper fouet, & alit in vsum vtriusq; Reipub: sacre, & prophane. Et non immeritò: omnis ætas docuit, literarum studiis, & florentibus ingeniorum virtutibus, imperia crescere, & florescere. Gaude ô Academia mea tanto protectore: gaude ô Polonia tanto Senatore. Vidit enim Sigismundus Rex sapientissimus bona tua, ô Princeps, cū te coram vidit: Vidit istam dignitatem corporis, eloquium oris, animi prudentiā; & statim in sanctius consilium adsciuit, auxit, dico, SENATORIA, eaq; primariā dignitate, quā sustines cum fauore, laude, plausu,

Omibus incutiens blandum per pectora amorem.

Diuinitas quædam videtur, & est profectò hæc dignitas in te: *Nam consulta Patrum, nam leges iuraq; seruans* salutariter, & ex vsu publico illam administras. Enim uerò Princeps es Gente, Princeps dignitate, Princeps mente, linguâ, consilio. Namq; , ad mentem Demosthenis, dum nauis Reipub: est salua, promptè consulis, & prouidè: quia postquam fluctus exuperat, inane est studium. Consulis etiam seriò, & non properanter: quia omnia non properanti clara certaq; sunt: festinatio verò est cæca. Vidimus, videmus, videbimus bona consilia morâ valescere; maximè apud te, cuius consilij gubernaculum lex Diuina, sine cuius ope nihil ritè, nihil prouidenter auspicamur. Et ideò vel maximè fortis apud te, non obnoxia, sententia, quod magnum in Senatore, atque vtile munus, vt ex mente Solonis

Nam
vt sit,
Senat

sed te
abit i
quia f
tum f
quam
vir ve
sed v
tenes
hoc g
cul a
res se
preci
tum f
sub tr
duoc

Ita, m
tatem
Princ
cul f

Ξυμῶδλῃ μὴ τὰ ἡδίστα, ἀλλὰ τὰ καλλίστα.

Nam reuera rara hæc nimis in aulis Principum virtus, *Consulas, nō suavis-
fima, sed
utilissima*
vt sit, qui omnia possidentibus verum dicat; dicis tu,
Senator dignissime, sed moderatè: quia

Est modus in rebus, sunt certi deniq; fines,

Vltra quos, citrag; nequit consistere verum;

sed tempestiuè: quia frequenter saluberrima medicina
abit in perniciem, data non opportunè; sed cōstanter:
quia fœda est vacillatio sententiam mutantium, & cer-
tum signum non certę mentis. Certa mentis tibi, nun-
quam te in aliquibus mutas, sed potiùs aptas: quia
vir verè prudens & sapiens, non semper it vno gradu,
sed vnâ viâ: tu, vt verbo dicam, non cursum eundem
tenes, sed portum, qui est salus publici Boni. Sed in
hoc gradu vel hoc vno potissimùm excellis: quia pro-
cul à te rei tuę studium. quippe rectè censes, priuatas
res semper offecisse, offecturasq; publicis consiliis: &
pręcipuum veri iudiciij venenum, atq; Reipub: interit-
um suam cuiq; vtilitatem. Docuerunt Athenę, olim
sub triginta Tyrannis afflictę: docuit Polonia bis sub
duodecim Palatinis.

Tunc nos calcabant Moravi, tunc Pannones: omnis

Deniq; Lechitis quisquis iniquus erat,

Dum sua quisque petit, querit sua.

Ita, mehercle, ita, priuatum bonum, fidem & probi-
tatem euertit: duo boni consilij instrumenta. A Te, ô
Princeps, iterum dico, procul huiusce modi mēs, pro-
cul sententia: qui omnia ad publicam salutem dirigis.

Ah vtinā in hac, & alijs virtutibus tibi similes, qui gradu similes: quorum aliqui (plerique, nolo dicere) in ista altitudine, nihil nisi alti sunt: & vt Cupressi, cætera steriles, præter speciem nihil habent. Vtinam, dico, plures tuę classis ita sint animati: non verear dicere, illorum ornamento, Reipub: præsidio id fore; & consultius atque felicius quædam administratum iri. Sed enim (prò dolor) cum nos longè oporteat prospicere futuros casus Reipub: iam deflexit de spacio, curriculumque consuetudo maiorum. Nimirum multi callido ingenio, semper mouent aliquid; & nec quieta, quieta sinunt: multi officium suum sanctum, atq; solenne rei suæ studio comminuere ac violare solent: multi, priuati odij pertinaciâ, spirant in publicum exitium; etiam in **CONSILIO SANCTIORI** nō aliter quàm remiges, & nautes digladiantur in vna aliqua nauis, & Bonum Publicum priuatis simultatibus impediunt, immemores exempli Aristidis, qui Themistocli valde aduersus, in vnam legationem cum eo missus, ad portam vrbs veniens: Visnè, ô Themistocle, (inqt) inimicitias paulisper hîc deponamus, recepturi eas, cū redierimus? Sciebat, scilicet, rem communem, sine communione animorum nunquam rectè administrari. Demum multi certamen plerumque adulationis certant, & dant se non magno alicui solùm; sed his qui magni apud magnum. Quod vitium ita inhærens & affixum aulæ, vt desperem posse euelli. Placentini, aut Laudenses ferè totum hoc genus: quia aut eo sententias

tentia
gratia
regen
piunt
ro ne
tatem
uëris
que a
& tan
hîc P
pus.
torum
rio; v

Vidin
venal
merit
homi
vno v
omni
retur
te, lin
iuiſti
orum
nuus,
tatem
aluiſti

tentias dirigunt, quò Principem ire censent; aut in gratiam eorum flectunt, qui ipsi in flagranti gratia sint regentis. Nec mirum: nam & fructum presentem capiunt, & res, in facili, ac sine labore. Et ideo pauci Veronenses. Tu inter eos primus, & Princeps, qui dignitatem tuam multos annos ita sustines, ut fidem probaveris, & communiter omnibus integritatem, animumque ab omni labe, aut corruptelâ immunem. Talis & tanta prudentia tua in quiete, quid in motu? Etiam hîc Patriæ & Boni Publici integritas, & salus tibi scopus. Motum vidimus nostra ætate, cum arma subditorum in suum Regem mota pro religione & imperio: vidimus

parentes.

*Frontibus aduersis fraternaq; cominus arma,
Cognataq; acies:*

Vidimus milites in omne fas nefasque auidos, aut venales, non sacro, non profano abstinentes, quòd meritò mare ipsum dixerim calamitatum: vidimus homines quosdam maioris animi, quàm consilij, vno veluti filo appendisse Publicam salutem: vidimus omnia sic turbata, aut desperata, ut pars consilij censeretur, non se miscuisse consilijs. Tu Te, miscuisti, mente, linguâ, factis. Etenim velut Sol dispellens tenebras iuisti obuiam malo; & in quiete, aut subductione aliorum manum ad clauum porrexisti: nam & manu strenuus, & consilio prouidus ad salutem Patriæ, & dignitatem Regis, lectissimum & copiosissimum exercitum aluisti. Aiunt gloriari solitum Q. Hortensium quod

nunquam ciuili bello interfuisset, tibi mens alia, & lex
Solonis suasit: IN CASV (inquit) *Ciuilis discordia,*
qui non alterutri parti sese adiunxerit, sed à communi malo
secesserit, domo, patria, fortunis careto: exul, extorrisq; esto.
Quis enim color, aut ratio, cum tranquillis rebus ad
Clauum sederis, vt deseras, abijciasq; eum turbatis?
Romanus ille Cato, virtutum viua imago, non comi-
tem solum ciuilibus armis se præbuit, sed Ducem. Cla-
ri quippe & illustris viri est, omni tempore, cum omni
honore in Repub: versari, atq; in ea excellentius sese
gerere. Tu talis, ô Princeps, & fecisti: quia in commu-
ni illo motu iunxisti te gregi tuo: id est, bonis, & Regi
tuo; sed cum hac lege, vt consilia tua, Pacis & Togæ
socia, non belli, atq; armorum essent. Nam etiam in
ipso æstu belli, huc illa contulisti: id est, victoriæ, atq;
iræ moderatus es: O virum! ô ciuem! certius sapientis
exemplar, quàm Hercules, aut Vlisses: Istud profectò
est istud, verè sapientem esse: exercere, & ostendere in
Sole, atq; opere, quæ aliis in vmbra atq; ocio differun-
tur. Ecce hic

surgit post nubila Phæbus.

ecce felicem res sortita finem. Totius belli stamen, ac
subtegmen tuâ prudentiâ abruptum est: belli, inquâ,
ciuilis incendium salute Patriæ restinctum. Neque hoc
fatis, etiam alibi tuam prudentiâ, tuas vires nouimus.
namque à crudo & immani Scythico hoste, ceu ab im-
bre effuso, sæpenumero Patriæ nostræ

Omnis laterum compago fatiscit,
dum audimus ab illis latronibus, loca sacra profanari:
oppi-

oppid
num

quia
baroru
cendia
nis, co
oppid
tibi al
tatem
cessisti
rus vir
saucio
latibus

dignita
saluten

per qu
olim M
illustri
dus, a
laudis,
uio on
Fini
sero, m
æternit

oppida capi, & incendi: agros vastari: multam hominum multitudinem in foedam seruitutem abduci.

Tu veniens nimbosq; fugas, solemq; reducis.

quia positus in ultimo illo confinio, exultantem barbarorum audaciam comprimis: flammam, ferrū, incendia, rapinas, libidinem, à nostra vita, tectis, fortunis, corporibus arces: à templis sacrilegia depellis, ab oppidis direptionem, ab agris vastitatem. Profectò tibi alij vitā debemus: alij libertatem: omnes securitatem. nunquam enim barbaro ex acie, aut campo cessisti: quia te duce tuus miles didicit vincere, barbarus vinci. O quàm frequenter campi illi, hostium aut sauciorum, aut morientium inconditis personant vultibus. Sic Princeps Illustrissime,

Ἡ ἐλάχιστοί σε πᾶσι τοῦ κόσμου.

dignitatem dico & Patriam tuam, in cuius bonum & salutem mirificè te accendit.

fax mentis honestæ

Gloria.

per quam mortalis tua vita immortalis est. Vt enim olim Magi aduersus Plutonem & tenebras, lucido, & illustri amictu se muniebant: sic tu, veræ vitæ cupidus, aduersus mortalitatis horrorem, immortalis luce laudis, atquè famæ; sine qua omnis vita mors est, obliuio omne nomen.

Finio, Princeps Illustrissime, vnaquè constanter assero, me, dum te sic Sarmatiæ, imò toti mundo, atquè æternitati depingo, aut defingo, de Bono Publico mereri.

Quæ nas
citur sp
tā hāc or
nas.

rer. Leget hæc nostrum ævum, leget posterius, & imitabitur, te prisca, & illustris non magis sanguinis sobolem, quàm virtutis heredem. Quidni? Conabitur ad eam gloriam atq; nomen id, quod iam tibi: id est, æternum atq; magnū: quia tu ipse magnus, & omnia in te magna; maioraquē futura, si maior aliquis tuę virtuti campus. Voueo, & acclamo; sed etiam maiorem aperio. Tu erigere,

O decus eximium, & magnis virtutibus auge
omnium de te conceptam spem, atq; expectationem. Ecce prisca Religio ab ipso Deo, per Deum, prolem Dei æternā, & Diuos nobis tradita, impetitur, & turbatur à sensibus, qui ab Orco nati. Fortiter resiste, & propugna, quæq; dissiūcta, in vno assere. Vt enim Principis est in òni virtute populo præire; ita in pietate maximè, quæ princeps, & caput virtutū. Ecce Patria nostra (prò dolor) in varia distracta, grauib' vrgetur pcellis, vrgetur internis, & externis fluctibus, &, vt video, sanguinis Polonici fluctib' miserandū in modū premitur, vt video,

Nudum remigio latus,

Et malus celeri saucius Africo,

Antennæq; gemunt, ac sine funibus

Vix durare carinæ

Possint imperiosius

Æquor.


Agè cum Deo benigno, vir prudentissime, accede, & iuua gubernaculum Tuā prudentiā, Tuo consilio; sed etiam forti dexterā. Superbit Tyrannus, & hostis Asiaticus

17
 aticus ob nostrum sanguinem recens effusum. Accin-
 gere gladio tuo super femur tuum, vlciscere, & aliquā-
 tulū decus nominis Polonici imminutum instaura.
 Porro cum isthec duce supremā illā mente, quę omnia
 ex mente, & salute nostra facit, effeceris, Musę tibi re-
 stant, Musę: & vnicum illarum domicilium, vnica, in-
 quam, in totā Sarmatiā Academia nostra, quę candidē,
 & constanter cōtra omnes verę pietati aduersantes, o-
 piniones, validum semper fuit propugnaculū: atq;
 etiam procreatrix fortium virorum, Bonum Publicum
 amantium, & illud in melius promouētium. Eam tu,
 Princeps Illustrissime, quę tibi per me suos commen-
 dat Lares, calidē, oro, foue, promoue, attolle, con-
 tra insurgentes liuidorum impetus defende, & vnā me
 alumnum, aut filium eius in tuam tutelam, atq; fidem
 suscipe Magnum æternū quē, vt dixi, iam tibi nomē,
 maius æternius quē (si licet sic dicere) te manet à Mu-
 sis: quia vt rectē Pindarus:


ῥῆμα δ' ἔργμάτων χρονώτερον
 διδόνει, ὅτι κε σὺν χαριτῶν τύχῃ γλῶσσα φρενὸς ἐξέλο καθέσας.


Imò à solis Musis vna, & sola æternitas: nihil
 enim est, cui non senectus sua; Virtus, &
 Musa, solæ immunes ab ista lege

DIXI.



Sermo fac
 Et diuti-
 us vivit,
 quem cū
 Gratijs
 volētib;
 lingua ē
 mente ex-
 tulerit pro-
 funda.





Biblioteka Jagiellońska



stdr0027316

